



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **De Verbo Dei Libri Tres**

**Helm, Heinrich**

**Coloniae, 1560**

**VD16 H 1736**

Verbum Dei mundat. Caput LIX.

**urn:nbn:de:hbz:466:1-30114**

- Luc. 8.** Verum, multi sunt, qui verbum Dei libenter & cum gaudio suscipiunt & audiunt, sed non custodiunt, fructum eius in patientia non adferunt. Similes Iudæis & pharisæis, qui gloriabantur in lege, legem docebant, & nullus eorum legem seruauit. Horum ego verbi Dei auditionem, & illorum qui aurem suam obturant & auertunt, ne verbum Dei audiant, iuxta æstimo. Nā sicut ij nō intrāt in requiem domini, & oratio eorum est execrabilis, sic & illis dicturus est: **Matt. 7.** Nescio vos, & vapulabunt multis: Scientibus namq; bonis & non facientibus, peccatum est illis: sicut seruo malo, p̄ **Matth. 25** gro & inutili dixit in euangelio.

Verbum Dei mundat. Caput LIX.

- A** Sextò, mundat peccatores ab omni inquinamento mentis & corporis. Expurgat omne vetus fermentum malitiæ & nequitie: lauat ab omni malitia corda eorum qui illud audiunt & custodiunt, & super niuem magis alba reddunt ea, iuxta illud iam vos mundi estis: propter sermonem quem locutus sum vobis. Sed & quod maius est, à peccatis præseruat, iuxta illud: Omnis qui natus est ex Deo, non peccat: quoniam semen eius (quod est verbum Dei) manet in eo, & non potest peccare, interim quod semen verbi in eo manet, & custodit illud opere & veritate. Hinc iterum dicit apostolus: Christus ecclesiam mundat, lauacro aquæ, in verbo vitæ. Sic mundatus fuit Matthæus & Zachæus: Nam ad vnā domini vocem resipuerunt à diaboli laqueis: & Christum quocumque iuit sequebantur, ad vnum sermonem Petri apostoli in die pentecostes, tria milia, compuncti corde sunt & loti in sanguine agni à peccatis suis in baptismo.

Verbum Dei uitam dat gratiæ & gloriæ.

Caput LX.